

2 PITÖR

Warage o Ayeet Pitör Een Ram

1 ¹ Aneeta Saiman Pitör o keen gabaren, ma keen toonnyai o Yesu Kiristo. Kayeedekun warage nico igeet ol o ojoktawu tuwen kiyo naaga o. Ma tuwen ci titiny noko aku bonate o Yesu Kiristo. Niini Jook ween ruguzoi ona. ² Abon bai deteni kibeem ganon abil naatunoonj iinya dook giye o agayu niiga Jook kibeem Yesu Kiristo jurunj.

Gol ci baayizo ole o atuwe

³ Anyet Jooi ageet dayize onin appe kaal o abon karoonj dook ka kabaakti baayiz ci abon njume onin giye o kagayi naaga noonon. Noonon neen o awuyet ageet ka kozolit naaga ki noonon diindjon kibeem bonat onin. ⁴ Ma gole nico anyet niini ageet kaal o abon titiny oroot, baal aterkedeket ageet ka kanyet e dook. Ma kaala nicigi anyun igeet edeya eleeti kaale o loocu ger baal goon aroonj zinzeeti ugooc utuguz e, ka zin buk niiga obonta kiyo Jooi o. ⁵ Zin giye o atuwenu niiga, abon ooryunonj utuguz buk kaal koko. Abon anyaku zinzeeti vooritin. Abon buk abaaku kibeem ol genyiza. ⁶ Abon buk agamnyu eleeti kaale o ger. Buk abon anyaku zinzeeti laliz piryakzeta. Utuguz buk kaal o atalna Jooi. ⁷ Ereezit gonogu o atuwe. Ma buk abon areezu ol dook. ⁸ Ma agoonu kaal nicoko dook tup, atiritunj koca kaal nici igeet agaac Manyi Yesu Kiristo oroot ele. ⁹ Maje eeti ci alanj agoon kaal nicoko, abil niini kiyo eeti o ruben o. Alanj aga abon waan niini agoon kaal nicoko o. Ereyek noonon gi baal aarane Jooi naatin onje ogin e. ¹⁰ Gotononga o tuwento, zin giye nico abon niiga ooryunonj oroot ka eyeliza gi o didi enjerayun Jooi igeet. Ma agoonu kaal nicoko, alanj koca bodo amiirinu ki vurut tuwente unoonj. ¹¹ Zin gole nico ajowanu koca niiga tijeere talniin ci appe oroot baliinte o Manyi Yesu Kiristo ween ruguzoi onai.

Abon kano demziin o Yesu Kiristo

¹² Zin giye nico yo nuun agawutu kaal nicoko laadun, ma urukteyu zow looc tuwenta o, naan kamena naana kaadaku bodo ni. ¹³ Kabaaban abon kaadaku naana igeet kaal nicoko dook ka agaac jurunj njinti naan karogne o. ¹⁴ Eeci kagawa inoko izi njinti ka kadaai ajon oroot kiyo uduwayan Manyi ona Yesu Kiristo o. ¹⁵ Kalinjilj zin oroot o ka ma kadaai, ka goon aada niiga kaal nicoko tup vurte can.

¹⁶ Ma dayizi o Manyi Yesu Kiristo ki badaan onin alanj een njatararidet ci oobeket ageeta ol ogen bar kicinta diindjon onin adikir naaga alya keberene ogaacak. ¹⁷ Eeci anyewun noonon Joowe ween baatinal diindjon iiten baal akuni moloyi o Joowo tammu tadena, ma ane ne, "Nicini njeraan o kareez neen. Katalne naana naatin oroot ele." ¹⁸ Bodo buk kiziikta naaga alya molok nico aku tammu tadena iiten ci baal karomena ki Yesu be tadena.

¹⁹ Kagaya zin naaga zoowowa baal aduwa nyakananeta e didi aleemnyai. Abon zin aziinju niiga zoozok nicoko, eeci eel niigi zinzeetine ugooc kiyo tokoleci o ataran muur zee ma adunna coboc o ka kaali tammu o. ²⁰ Gi ci adiindj zin oroot ce. Akom nyakanan ci aduwa kaal ci ka kiitazo katin genyize cin doon. ²¹ Eeci akom laadun nyakanan ci azooz kaal ci akana niini oowe cin doon. Bar zin Vojiz o Joowo neen o anyek noogoo kudukta zoozok o Joowo.

Ma anuyu demziin ci ol o uuwak volonj

2 ¹ Baale rak anyak nyakananet ci volonjo ala. Bodo buk tijeere naatunoonj anyak ol ci avu ademez ol volonja to. Anyaa tijeere niigi roodinta demziin ci ger alanj een didi, ma avu adanj Manyi o ka waan korogoz noogoo. Zin gole nico anyaa tijeere niigi eleeti targanyin ci ger Joowa. ² Ano zin tijeere ol ci meel baayiz cineen ger waanzetu noko, ma akat zowz o abon een didi kizi gerze. ³ Ma ol nicigi njobnjobinte uneen aduwaku zoozok ceen volonj ka kojoktai guruc naatunoonj. Bar zin agawun Jooi kaal ugeec agoon. Izi zin ajon ka kapayek niini noogoo gerzitin.

⁴ Baale rak anyak toonnyak ci tammu abaca onje, ma naan kotonj Jooi noogoo. Bar ujukek noogoo look o miniju, ka kacapte niigi muura njinaante zee been iiten ci payiinto e. ⁵ Buk baale Jooi naan kotonj ol baal agoon kaal o ger baale njaan kanyaa Jooi tawan e. Bar waanice itoona niini tawan kiya kotodot noogoo dook. Ma arogoz Nowa ween eet o abon baal uuwak zowz onin e, kibeem ol o tatok onin een torgerem. ⁶ Baale buk atooz Jooi kuturyok o kazi Sodom been Gomora gooya giye o kaal o ger baal agoon niigi e. Ma gole nice aroonj Jooi keyeliza gi o katin buk agoononek ol o agoon kaal o ger. ⁷ Ma waanice orogoz Jooi eet o abon kazi Lat baal goon awuci noonon ziniz baayize o ol o ger baal agoon waanzet njinaante e. ⁸ Abaawo waanice eeti ci baal abon kazi Lat neke ki ol niceke, ma acin niini noogoo agoon waanzet tup, ma awuci noonon ziniz oroot. ⁹ Zin Manyi aga gol ci ka keelai ol o ano noonon kaale o acina noogoo. Ma buk aga niini gol ci ka kacabi rak ol o ger zee been iiten ci roonnyo e. ¹⁰ Ricik oroot ole o awaaniz kibeem ole o apez alaat.

Ma ol ci ademzekun igeet volonj noko moote, ma adonj eleeti, ma alanj njoli naati adomi niigi toonnyak o tammu. ¹¹ Maje bar toonnyawa o tammu o adoi kujuk ol o deer alanj acaca dominet cineen o njume o Joowo.

¹² Ma ol nici alanj aga gerzitin cineen o. Eelit niigi kiyo kelege o too alanj azooz, o laadun aritai niigi ka kizi kaal ci aceel ol, ma akat ol noogoo kadaayito labak o. Zin giye o adomi niigi demziin o Joowo o alanj niigi aga, atargany tijeere Jooi noogoo buk. ¹³ Apirna tijeere niigi giye o goon agooni kaal ci ger. Njobjobe noogoo zinzeeti kaale dook. Ma azolonu ki igeet, agoon niigi kaal ci ger noko, ma anyaku igeet o atuwenu alyaan. ¹⁴ Aroonj niigi tup noko naai culu ka kutugu onje ki noogoo. Alaba niigi ol o naan kidic tuwen uneen ka kutuguzo buk onje. Appinte noogoo zinzeeti oroot. Inoko zin payiin o Joowo aavi naatineen! ¹⁵ Otonit niigi gol o abil top, ma olla ayanjanita. Oneec niigi gol o eet baal kazi Balaam ween njerti Bozor baal agoon gi o ger ka kojowai guruc e. ¹⁶ Zin waanice itilo Jooi noonon onje ogin. Agereny waanice zigiri onine moloye ci eet ci deer, ma alam noonon calanj agoon kaal ogin baal aliyakzetu e.

¹⁷ Eel zin ol nicigi kiyo tuuwane o akom maam o. Ma buk eel niigi kiyo diizwana o goon azaan njooti, ma alanj atiiil o. Arek zin tijeere Jooi noogoo njinti muur. ¹⁸ Eeci alaba niigi ol o aroonj konowit gol o Joowo abil top zoowowe ci een volonj ki eleeti dohnya kibeem kaale o ger aroonj noogoo eleeti ugeec kiyo waanzet o. ¹⁹ Anek niigi ol ne, "Utuguz kaal o aroonnyu utuguz labak," maje bar niigi alya gabara ci onje. Abalun njeci noogoo, ma alanaan anim niigi kotonj onje. ²⁰ Ma utu eeti Manyi Yesu Kiristo ween ruguzoi

onai, ma utuṅun niini kaal o ger baal gɔɔn arɔɔŋ ziniz onine kutugu e, mazi bodo amiironek kaal nicoko, koca tiṅeere payiin cine iitene ci aṭorneke e appe ɔɔɔt kujuk baal reen e. ²¹ Maya da bar ṅaan kiziiyt niigi ɔl o Joowo laadun kujuk ṅaati iziikti, ma bodo aborni zɔɔz o Joowo abon vurta. ²² Ma zɔɔz nici abil ole nicoko kiyo olit o gɔɔn azi ɔl ne, “Mā azai oroz zee ma odotiz, bodo amiironek zak ogine ele, ma adak.” Ma bodo azi ne, “Mā uuny kɔɔɔɔbac kitiliza, amiironek bodo robrobo, ma abulene.”

Yesu ṅaan abada didi

3 ¹ Laṅotigan o kareezuṅ, inoko kayeedekuṅ bodo warage nico ka kono gɔɔn baal rak kayeedekuṅ ɔɔwa e. Ma waragenyaye nicoko dook karoŋ kaadayuṅ igeet kaal baal agawutu laadun e ka kizi zinzeeti ugooc vɔɔre. ² Karooṅnyuṅ igeet aada zoozok baal aduwa nyakananeta o Joowo kibeem demziin o Manyi ween ruguzoi ona baal kuuwawekuṅ naaga o keegina toonnyak o Yesu e.

³ ɔɔwa rak abon agayu gi ce. Tiṅeere iinyaye ci aṭorneke e, avu ɔl ci areez ṅaati agɔɔni kaal o ger arɔɔŋ nɔɔɔ zinkeeti ugeec, ma avu amomoz demziin o Yesu. ⁴ Ma anɔ tiṅeere niigi ne, “Baale Yesu azi ne, Ka kabada bodo. Ka zin kabada tiṅa? Icinit di! Idicai jijitigaac, maṅaan buk kaala dook eel ebaal eenyane Jooi looc e ele nɔko.” ⁵ Epezit niigi loror nɔko gi ween didi baal eenyane Jooi tammu tadena ki looc zɔɔza doon e. Eenyca niini looc maami. ⁶ Ma bodo baale iya otodot looc maami. ⁷ Bar zin tɔɔwa kibeem tammu ci kacin noko eelnek goo ka katin kavaat Jooi nɔɔɔ lai zɔɔza doon iitene o arek niini ka kapayi ɔl o alaṅ atuwe, ma atarganyi nɔɔɔ.

⁸ Laṅotigan o kareezuṅ, má anyeku kereyeyuṅ gi codoi ce. Iiteni codoi kibeem irkitok ceen eet tur lak amɔtɔ (1000), atobɔ dook nɔko ṅaaten Jook. ⁹ Alaṅ Jooi aliṅliṅ kaal o aterket niini kidicilim giye ci azeeni nɔɔɔ dɔyizi kiyo abaaban ɔl ogen o. Bar olla alal nɔɔɔ ziniz ṅaatonooṅ o, eeci alaṅ arɔɔŋ niini eet codoi kiiyak targanyinet, bar arɔɔŋ rak ɔl dook kabadiit mony oṅene ugeec.

¹⁰ Zin tiṅeere iiteni o Manyi aku boyoṅyoṅ kɔkɔm eet ci agawa kiyo agoryaiti ween aamnyoi o. Iitene nice agereny tammu keṅ, ma azi ḍim calaṅ kacin bodo. Ma avaadi ii ki nyelok been monyony gooya lai. Buk lɔɔci kibeem kaal dook o eel loota ṅina katin avaadi lai.

Kabaayit baayiz ci abon ṅume o Joowo

¹¹ Zin yo giye o tiṅeere iinane kaal nici, abon inoko o niiga abaaku ku? Abon zin abaaku niiga baayiz o abon ṅume o Joowo. Abon ayelzanu gi o eeginu niiga ɔl cigin ṅinti ṅaan areyu niiga iiten o Manyi Yesu o. ¹² Erya niiga iiten o Manyi zinzeetine ci abur. Iiteni nica iiten o tiṅeere avaadine tammu taden ki ii ki nyelok been monyony gooya lai neen. ¹³ Maje naaga kare tammu ki tɔɔɔ o colai baal aterkedeket Jooi ageet e, ma ṅnita buri ci ɔl o agɔɔn kaal o abon.

Zɔɔz o Pitɔr aṭorneke

¹⁴ Laṅotigan o kareezuṅ, ma giye o atuyu niiga terkediin o Joowo, ma areyu kaal ci ka katin kiitazɔ neke, ooritnɔṅ ɔɔɔt anycek eleeti kitiliza ṅume o Manyi Yesu anyayit ganɔn kibeem nɔɔɔ. ¹⁵ Abon buk aadanu niiga zinzeetine ugooc gi ceen didi ce. Ziniz laliz o Joowo neen o anyakuṅ igeet rogzen. Buk Pɔl ween gotɔna ona kareez tuwenta eteyeedeyuṅ baale igeet kaal nicoko genyize o anyek Jooi nɔɔɔ. ¹⁶ Azɔɔz baale niini waragenyai ogin dook zɔɔz ci akati kaal nicoko ele. Azɔɔz gɔɔn baale niini iinyaye ogen kaal ci adɔi ṅaatinai, ma alaṅ naaga kaga keṅti cigeece. Ma ɔl ogen o ṅaan kagaac zɔɔz o Joowo juruṅ, avɔ niigi ademzek ɔl zoozok o Pɔl vɔlɔṅa, kiyo buk gɔɔn laadun ademzek niigi ɔl zoozok o Joowo oogi vɔlɔṅa o. Atargany zin katin Jooi nɔɔɔ giye nico.

¹⁷ Laṅotigan o kareezuṅ, ma giye o agayu niiga kaal nicoko laadun, abon abeku eleeti juruṅ ka calaṅ alabanuṅ igeet oṅe ci ɔl o abor Jook, makacin ukuluztu tuwen unooṅ. ¹⁸ Bar emeda niiga abaayit baayiz ci abon giye o anyuṅ Manyi Yesu igeet deten onin. Azaacit buk gawiin o agayu Manyi Yesu Kiristo ween ruguzoi onai. Abon bai kanyek Manyi zany nɔko kodot. Nɔɔɔ neen.